

**Uunga siunnersuut Akileraaruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisaat**

(Nunat tamalaat kattuffiinik akileraartussaatitsinnginneq, akileraarutinik agguassineq, ilanngarneqartussaatitaasut nalunaarutiginnittussaatitaanerannik maleruagassiornissamut

Naalakkersuisut piginnaatinneqarnerat aamma ernianik atorunnaarsitsineq il.il.)

Aningaasaqarnermut Akileraartarnermullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSISSIONTAA

Ataatsimiititaliap suliarinninnermini ilaasortarai:

Inatsisartunut ilaasortaq Asii Chemnitz Narup, Inuit Ataqatigiit, siulittaasoq

Inatsisartunut ilaasortaq Jens Frederik Nielsen, Demokraatit, siulittaasup tullia

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Mariia Simonsen, Inuit Ataqatigiit

Inatsisartunut ilaasortaq Kuno Fencker, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens Napaattooq, Knud Mathiassenimut sinniisoq, Attaviitsoq

UKA 2023-mi ulloq 4. oktober siullermeerinninnerup kingorna ataatsimiititaliap sunnersuut misissorpaa.

1. Siunnersuutip imarisaa siunertaalu

Nunat tamalaat kattuffiinik akileraartussaatitsinnginnermut, akileraarutinik agguassinermut, ilanngarneqartussaatitaasut nalunaarutiginnittussaatitaanerannik maleruagassiornissamut Naalakkersuisut piginnaatinneqarnerannut aamma ernianik atorunnaarsitsinermut il.il. siunnersuut tunngavoq. Kiisalu aningaasarsianit akileraarutit pillugit inatsisip allanngortinneqarnerata nassatarisaanik nutarterinernik siunnersuut imaqarpoq.

2. Siunnersuutip Inatsisartunit siullermeerneqarnera

Siunnersuutip nassatarisaanik allannguutit nalinginnaasumik taperserneqarput. Siunnersuutip siullermeerneqarnerani nalinginnaasumik isumaqartoqarpoq siunnersuummi pissutsit ilaasa paasinarsisinneqarnissaat kissaatigineqarmat siunnersuut Aningaasaqarnermut Akileraartarnermullu Ataatsimiititaliamut suliarineqartussanngorlugu innersunneqassasoq.

3. Tusarniaanermut akissutit

Ilaatigut inatsisissatut siunnersummut matumunnga tusarniaanermut akissutit Naalakkersuisunut ataatsimiitaliamit ujartorneqarput, taakkulu ulloq 12. oktober 2023-mi tiguneqarput.

4. Aningaasaqarnermut Akileraartarnermullu Naalakkersuisup ilisimatitsiffiusumik ataatsimeeqatiginera

Siunnersuutit ataatsimiitaliamut aammalu Naalakkersuisut suliassaqarfiiinut ataatsimut attuumassuteqartut pillugit Aningaasaqarnermut Akileraartarnermullu Naalakkersuisoq ataatsimiitaliamit ilisimatitsiffiusumik ataatsimeeqatigineqarpoq. Siunnersuutit taakku ilusili-gaanerannik saqqummiussinermi siunnersuut matumani pineqartoq ilaavoq.

5. Ataatsimiitaliap siunnersummik suliarinninnera

Suliani taaneqartutut siunnersummik siullermeerinninnermi siunnersuut matumani pineqartoq nalinginnaasumik tapserneqarpoq. Peqatigisaanik siunnersummi pissutsit ilaasa erseqqinnerusumik paasisinneqarnissaat ujartorneqarpoq.

Tamatumani assersuutigalugu pineqarpoq nunani tamalaani kattuffiit akileraarutinik akit-suutinillu pisussaaffinnillu allanik oqilisaanneqarnissaannik akiliisinneqannginnissaanniluunniit siunnersummi § 1, nr. 1-imi siunnersuut. Taamaalillunilu apeqqutigineqarpoq kattuffiit sorliit matumani pineqarnersut. Taamaattumillu apeqqut siunnersuutip aappassaa-neerneqarnerani Naalakkersuisunit akineqassasoq ataatsimiitaliamit naatsorsuutigineqarpoq.

Kiisalu aningaasarsianit akileraarutit pillugit Inatsisartut inatsisaata allanngortinnejnarneranik Inatsisartut inatsisissaattut siunnersuutip saqqummiunneqartup (UKA 2023/18) malitsigisaatut inatsimmi arlalinnik allannguisoqarnissa nutarterisoqarnissaalu siunnersuutigineqarpoq. Tamatuma kinguneraa Inatsisartut UKA 2023/18-imik suliarinninnerat akuersissutigine-nissinnaanerallu siunnersuutip matuma qanoq iluseqarluni akuersissutigineqarnissaanut sunniuteqarsinnaammat.

Naalakkersuisut siunnersummut matumunnga ulloq 2. november allannguutissatut siunnersummik saqqummiussippu. Allannguutissatut siunnersuutikkut § 43, imm.-imi oqaaseqatigiit nutaat ilanngunneqarput, tassani oqaatigeqatigiit naanerat "taamaattoq minnerpaamik 500 kr." peerneqarluni, attuumassuteqarunnaarmat. Allannguutissatut siunnersuut aningaasaqarnikkut allatigulluunniit kinguneqanngilaq.

6. Siunnersuutip aningaasaqarnikkut allaffissornikkullu kingunerisassai

Siunnersuutip piviusunngortinnejnarera aningaasatigut kingunerisassai siunnersummut nalinginnaasumik nassuaatini allaaserineqarput. Pisortanut inuussutissarsiortunullu aningaasaqarnikkut allaffissornikkullu kingunerisassat, siunnersummut nassuaatini nalinginnaasuni allassimasut, paasiuminartutut ataatsimiitaliamit isigineqarput.

7. Ataatsimiititaliap inassuteqaatai

Naalakkersuisut allannguutissatut siunnersuutaat akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Asii Chemnitz Narup
Siulittaasoq

Jens Frederik Nielsen
Siulittaasup tullia

Karl Tobiassen

Mariia Simonsen

Kuno Fencker

Peter Olsen

Jens Napaattooq